

## KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24, 39/24 i 17/25 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 51. sjednici održanoj 09.02.2026. godine, donijela je

**Autentično tumačenje člana 76. stav (3) a u vezi sa članom 76. stav (1) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25)**

### *„Član 76.*

*(1) U slučaju nastanka povrede na radu, teške invalidnosti ili teške bolesti radnika, odnosno teške invalidnosti ili teške bolesti člana njegove uže porodice iz člana 77. ovog Kolektivnog ugovora, isplaćuje se jednokratna novčana pomoć u visini njegove tri plate isplaćene u prethodna tri mjeseca ili tri prosječne mjesečne plate isplaćene u Federaciji Bosne i Hercegovine, ako je to za radnika povoljnije.*

*(3) Pod teškom bolešću iz st. (1) i (2) ovog člana, podrazumijevaju se bolesti navedene u Uredbi o naknadama i drugim materijalnim pravima koja nemaju karakter plata kao i Uredbi o listi teških bolesti, odnosno teških tjelesnih povreda na osnovu kojih se ostvaruju naknade za slučaj teške invalidnosti ili teške bolesti. Pravo na jednokratnu novčanu pomoć iz stava (1) ovog člana, po osnovu teške invalidnosti ostvaruje se za utvrđen stepen invalidnosti od najmanje 60%.*

Citirana odredba člana 76. stav (3) Kolektivnog ugovora se odnosi na prava navedena u članu 76. stav (1) Kolektivnog ugovora, a navedena prava na naknadu, na osnovu pojedinačnog pisanog zahtjeva radnika, utvrđuje direktor ustanove, u skladu sa Zakonom o upravnom postupku, a nakon prethodno provedene procedure utvrđivanja činjeničnog stanja.

**Odluka o autentičnom tumačenju člana 76. stav (3) a u vezi sa članom 76. stav (1) Kolektivnog ugovora je donesena na 51. sjednici Komisije održanoj 09.02.2026. godine jednoglasno konsenzusom.**

### ČLANOVI KOMISIJE

Abid Fejzić, predstavnik Poslodavca

Saudin Sivro, predstavnik Sindikata

Senad Sladić, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I OBRAZOVANJA U  
KANTONU SARAJEVO**

**MINISTARSTVO ZA ODGOJ I OBRAZOVANJE KANTONA SARAJEVO**  
**n/r ministrice**

**SAMOSTALNI SINDIKAT OSNOVNOG OBRAZOVANJA I ODGOJA FBIH -  
KANTONALNI ODBOR KANTONA SARAJEVO**  
**n/r predsjednika**

**PREDMET:** Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24 - u daljem tekstu: Kolektivni ugovor) obratio se Sindikat, kao ugovorna strana Kolektivnog ugovora, a vezano za zahtjev Javne ustanove Osnovna škola „6. mart“ Hadžići, broj: 04-1626/2025 od 31.12.2025. godine koji se odnosi na tumačenje člana 76. stav (3) a u vezi sa članom 76. stav (1) Kolektivnog ugovora u dijelu utvrđivanja nastanka povrede na radu, odnosno da li se stav (3) odnosi na stav (1) člana 78. Kolektivnog ugovora.

U vezi s navedenim, obavještavamo Vas da je Komisija na 51. sjednici održanoj 09.02.2026. godine, donijela autentično tumačenje člana 76. stav (3) a u vezi sa članom 76. stav (1) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za  
djelatnosti predškolskog odgoja i osnovnog  
odgoja i obrazovanja u Kantonu Sarajevo, s.r.**